



Bosnia and Herzegovina
Federation of Bosnia and Herzegovina
CANTON SARAJEVO ASSEMBLY

**Komisija za obilježavanje, čuvanje i
njegovanje historijskih događaja i ličnosti**

Broj: 01-05-31047-3/19
Sarajevo, 29.08.2019. godine

Bosna i Hercegovina-Federacija Bosne i Hercegov.
Kanton Sarajevo - GRAD SARAJEVO
GRADSKO VIJEĆE

PRIMLJENO: 13. 08. 2019			
Org. jed.	Broj	Prilog	Vrijednost
01-05-05-922/19			200

**OPĆINSKO VIJEĆE CENTAR
n/r Predsjedavajućeg**

**GRADSKO VIJEĆE
GRADA SARAJEVA
n/r Predsjedavajućeg**

Poštovani,

Na sjednici održanoj dana 29.08.2019. godine, Komisija za obilježavanje, čuvanje i njegovanje historijskih događaja i ličnosti Skupštine Kantona Sarajevo, razmatrala je inicijativu zastupnika Damira Nikšića „za promjenu naziva "Mali park" u "Park Republike" i podizanje spomenika Dr.Vojislavu Kecmanoviću Đedi“.

Nakon rasprave Komisija je većinom glasova usvojila (4"ZA" i 1"PROTIV") slijedeći:

ZAKLJUČAK

Komisija za obilježavanje, čuvanje i njegovanje historijskih događaja i ličnosti Skupštine Kantona Sarajevo inicijativu zastupnika Damira Nikšića „za promjenu naziva "Mali park" u "Park Republike" i podizanje spomenika Dr.Vojislavu Kecmanoviću Đedi“ dostavlja nadležnim komisijama Općinskog vijeća Centar i Gradskog vijeća Grada Sarajeva, na izjašnjenje i očitovanje.

S poštovanjem,

Prilog:

-Inicijativa zastupnika Damira Nikšića



**PREDSJEDAVAJUĆI KOMISIJE
Damir Nikšić**



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-055
Fax: + 387 (0) 33 562-210
Sarajevo, Reisa Džemaludina Čauševića 1



1492

1796

Bosna i Hercegovina
Federacija Bosne i Hercegovine
SKUPŠTINA KANTONA
SARAJEVO



Босна и Херцеговина
Федерација Босне и Херцеговине
СКУПШТИНА КАНТОНА
САРАЈЕВО

Bosnia and Herzegovina
Federation of Bosnia and Herzegovina

CANTON SARAJEVO
ASSEMBLY

Broj:01-05-23146-86/19
Sarajevo, 21.06.2019. godine

**KOMISIJA ZA OBILJEŽAVANJE, ČUVANJE
I NJEGOVANJE HISTORIJSKIH DOGAĐAJA I LIČNOSTI**

Zastupnik Damir Nikšić na Devetoj radnoj sjednici Skupštine Kantona Sarajevo, održanoj dana 19.06.2019.godine , u okviru tačke Dnevnog reda "Poslanička/zastupnička pitanja, inicijative i odgovori", a u skladu sa članom 213. Poslovnika Skupštine Kantona Sarajevo pokrenuo je **zastupničku inicijativu**, koju vam u prilogu dostavljamo.

Molimo da pokrenutu inicijativu tretirate u okviru nadležnosti i nakon postupanja po istoj, shodno odredbama Poslovnika Skupštine Kantona Sarajevo („Službene novine Kantona Sarajevo“- broj 41/12 - Drugi novi prečišćeni tekst, broj 15/13 i 47/13,47/15,48/16) u pisanom obliku, obavijestite Skupštinu o učinjenom.

Prilog: Zastupnička inicijativa Damira Nikšića

CO:
-sekretar SKS
-sekretar Vlade Kantona



Pripremila: Jasminka Deliahmetović



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-055,
Fax:+ 387 (0) 33 562-210
Sarajevo, Reisa Džemaludina Čauševića 1



Bosna i Hercegovina
Federacija BiH
Kanton Sarajevo
Skupština Kantona Sarajevo
n/r g. Elmedin Konaković, Predsjedavajući

**ZASTUPNIČKA INICIJATIVA
ZA PROMJENU NAZIVA „MALOG PARKA“ I PODIZANJE SPOMENIKA DR.
VOJISLAVU KECMANOVIĆU ĐEDI**

Deveta radna sjednica Skupštine Kantona Sarajevo

Predlažem da se u Malom parku (preko puta Predsjedništva Bosne i Hercegovine), naruči i izvede arhitektonski projekt spomenika koji će uključiti postojeće biste i cvijetni vrt, ali koji će u centralnom dijelu imati lijepo osmišljen visoki pijadestal sa bronzanim natpisom na prednjoj strani i bronzanom skulpturom Dr. Vojislava Kecmanovića Đede u prirodnoj veličini na vrhu tog pijadestala.

(U prilogu se nalazi i skica prijedloga spomenika koja ima svrhu sugestije i nije obavezujuća za eventualne učesnike konkursa.)

Predlažem da u tu svrhu "Mali park" promijeni naziv u **Park Republike**.

OBRAZLOŽENJE:

Čin formiranja republike je revolucionarni čin. On podrazumijeva raskid sa „Starim režimom“, raskid sa apsolutizmom, sa monarhijom, sa patrimonijalnom državom vladarskih dinastija i njihovih nasljednika, raskid sa kolonijalnom prošlošću u kontekstu svjetskih imperija, ali isto tako i raskid sa hijerarhijskim društvom nejednakosti, te začetak građanskog društva, začetak moderne, sekularne republike, „javne stvari“ bazirane na jednakosti, slobodi i bratstvu svih njenih naroda i građana.

Čin formiranja republike nije samo revolucionarni čin. On nije samo ni historijski čin. On je civilizacijski čin.

Mislim da je posve adekvatno da preko puta Predsjedništva BiH bude „Park Republike“, i da u njemu statua prvog predsjednika prve BH republike podsjeća ili pak opominje članove predsjedništva na koncept zajedničke nam države, kao i na antifašističke vrijednosti i tekovine ne samo ZAVNOBiH-a, već i međunarodne zajednice i Evropske Unije koje su direktno involvirane u ovaj državni projekt, a koje prepoznaju i priznaju državopravni kontinuitet Bosne i Hercegovine u AVNOJ-skim granicama.

Monumentalna ličnost Dr. Vojislava Kecmanovića Đede, antifašiste i liječnika koji je magistrirao medicinu na Karlovom univerzitetu u Pragu 1911, neraskidivo je povezana sa državnošću BiH.

Insistirati na državotvornosti u Sarajevu, na proslavi Dana Državnosti na čitavoj teritoriji BiH svakog 25. novembra, a istovremeno proganjati iz Sarajeva Vojislava Kecmanovića Đedu tako što se radi na trajnom brisanju imena, lika i djela predsjedavajućeg ZAVNOBiH-a i prvog predsjednika BiH, predstavlja i predstavljace vrhunac licemjerja i političkog primitivizma sve dok Sarajevo, kao glavni grad BiH, na adekvatan način ne oda počast i priznanje prvom predsjedniku prve BH republike: Narodne Republike Bosne i Hercegovine.

Zato je od velike važnosti da se što prije pristupi izgradnji ovog spomenika na predloženoj lokaciji.

Važno je obrazovati građane Sarajeva, građane BiH u njihovom glavnom gradu, da je ova država međunarodno priznata u AVNOJ-skim granicama, da ne predstavlja državni kontinuitet niti jedne druge prethodne države do sekularne republike svih njenih naroda koja je ZAVNOBiH-om utemeljena, te da smo, stoga, svi dužni poštovati njen trenutni ustavni poredak koji uključuje međunarodne povelje i evropsku deklaraciju o ljudskim pravima, njegujući državopravno, a naročito antifašističko naslijeđe ZAVNOBiH-a, UN i EU.

Sarajevo, 19.06.2019. godine Samostalni zastupnik u Skupštini Kantona Sarajevo

Damir Nikšić



